

VENDIM
Nr. 365, datë 16.6.2023

PËR MIRATIMIN E STRUKTURËS DHE TË NIVELEVE TË PAGAVE TË
NËPUNËSVE DHE PUNONJËSVE TË DREJTORISË SË SHËRBIMEVE
QEVERITARE

(Ndryshuar me VKM-në nr. 578, datë 18.9.2024¹)

(i përditësuar)

Në mbështetje të nenit 100 të Kushtetutës dhe të pikës 2, të nenit 10, të ligjit nr. 35/2023, “Për kompetencat për caktimin e pagave, trajtimeve të tjera financiare dhe përfitimeve të të punësuarve në institucionet e administratës publike, si dhe të pagës bazë minimale në shkallë vendi”, me propozimin e ministrit të Financave dhe Ekonomisë, Këshilli i Ministrave

VENDOSI:

1. Miratimin e strukturës së pagës dhe të niveleve të pagave të nëpunësve dhe punonjësve të Drejtorisë së Shërbimeve Qeveritare.

2. Klasat e pagave dhe shtesat për kushte pune (natyrë të veçantë pune) të pozicioneve të punës së nëpunësve për emërtesat “specialist” deri në “titullar institucioni” në Drejtorinë e së Shërbimeve Qeveritare, janë sipas lidhjes nr. 1, që i bashkëlidhet këtij vendimi dhe është pjesë përbërëse e tij. Funkcioni “Sekretar i titullarit dhe bordit drejtues” përfiton një shtesë mbi pagë, në masën 7 000 (shtatë mijë) lekë në muaj.

3. Elementet përbërëse të pagës bruto mujore (paga për pozicion, shtesa për vjetërsi në punë dhe shtesa e nivelit të kualifikimit) për secilën klasë, të përcaktuar në lidhjen nr. 1, që i bashkëlidhet këtij vendimi, si dhe vlerat për secilin element, janë të njëjta me ato të miratuara në vendimin e Këshillit të Ministrave për pagat e nëpunësve civilë në institucionet e administratës shtetërore.

4. Klasat e pagës dhe shtesat për kushte pune të punonjësve mbështetës në Drejtorinë e së Shërbimeve Qeveritare janë sipas lidhjes nr. 2, që i bashkëlidhet këtij vendimi dhe është pjesë përbërëse e tij.

5. Vlera e pagës bazë për klasë dhe mënyra e llogaritjes së vjetërsisë për secilën klasë, të përcaktuar në lidhjen nr. 2, që i bashkëlidhet këtij vendimi, janë të njëjta me ato të miratuara në vendimin e Këshillit të Ministrave për pagat e punonjësve mbështetës në institucionet e administratës publike.

6. Efektet financiare, që rrjedhin nga zbatimi i këtij vendimi, përballohen nga buxheti i miratuar për vitin 2023 për Drejtorinë e së Shërbimeve Qeveritare dhe nga fondi i kontigjencës, i miratuar për buxhetin e shtetit për vitin 2023.

7. Vendimi nr. 149, datë 29.2.2012, i Këshillit të Ministrave, “Për miratimin e strukturës dhe të niveleve të pagave për punonjësit e Drejtorisë së Shërbimeve Qeveritare”, i ndryshuar, shfuqizohet.

8. Ngarkohet Drejtoria e Shërbimeve Qeveritare për zbatimin e këtij vendimi.

Ky vendim hyn në fuqi menjëherë, botohet në Fletoren Zyrtare dhe i shtrin efektet financiare nga data 1 prill 2023.

KRYEMINISTËR
Edi Rama

¹ VKM nr. 578, datë 18.9.2024, në shkronjën “b” të pikës 1 shprehet:

b) Funksionet “Specialist arkivi” dhe “Specialist protokoll” përfitojnë një shtesë mbi pagë, për kushte pune (natyrë të veçantë pune), në masën 5 000 (pesë mijë) lekë në muaj.

LIDHJA NR. 1 STRUKTURA E PAGËS SË NËPUNËSVE TË DREJTORISË SË SHËRBIMEVE QEVERTARE		
Funksioni	Kategoria/klasa	Paga e grupit (lek)
Titullar i institucionit	I-2	1
Drejtore drejtorie	II-2	1
Shef sektori	III-2	1
Specialist auditit, specialist në Kryeministri; specialist/redaktor ligjor në Kryeministri, specialist finance, specialist kontabilist; specialist buxheti, specialist kosto, specialist i burimeve njerëzore; specialist jurist; specialist prokurimesh; specialist koncept -desing, specialist logjistike, specialist shërbimi; specialist trajtimi, specialist merceolog, specialist transporti, specialist shërbimi.	IV-1	1 ose 2
Sekretar (i titullarit dhe i bordit drejtues)	IV-2	1 ose 2, ose 3
Specialist; specialist udhëtimesh; specialist protokoll-arkivi; specialist IT, specialist gjelbërimi, specialist inxhinier, sekretar për ish-presidentët	IV-2	1 ose 2, ose 3

(ndryshuar me VKM-në nr. 578, datë 18.9.2024)

LIDHJA NR. 2 STRUKTURA E PAGËS SË PUNONJËSVE MBËSHTETËS TË DREJTORISË SË SHËRBIMEVE QEVERTARE			
Funksioni	Kategoria/klasa	Shtesa për vjetërsi (%)	Shtesa për kushte pune (lekë)
Kryekuzhinier kategoria 1	IX	1%	135,000
Kryekuzhinier kategoria 2	IX	1%	75,000
Kryepastiçier	IX	1%	50,000
Kryekamerier	IX	1%	45,000
Administrues Vila 4, Vila 30	IX	1%	70,000
Administrues vila/qendrash	IX	1%	35,000
Ndihmëspastiçier	VIII	1%	35,000
Banakier	VIII	1%	42,500
Kryepunëtor Rezidenca Qeveritare	VIII	1%	35,000
Magazinier i magazinës qendrore; industriale; Parku Delegacioneve; ushqimore; Pallati i Brigadave	VIII	1%	20,000
Magazinier i magazinës dytësore Pallati Kongreseve; rekupero; dytësore Durrës;	VII	1%	20,000
Kuzhinier Rezidenca e Kryetarit të Kuvendit, Kryeministrit; Presidentit	VII	1%	35,000
Kuzhinier Vila Qeveritare	VII	1%	35,000
Teknik elektrikist/hidraulik/mirëmbajtje/ operator shumëfishimi në kryeministri, punëtor në rezidenca qeveritare	VII	1%	35,000
Kamerier	VII	1%	40,000
Shofer/korrier; shofer në Kryeministri	VII	1%	45,000
Teknik të ndryshëm; teknik dispeçer	VII	1%	30,000

Teknik/kameraman, teknik/fotograf	VII	1%	80,000
Shofer	VI	1%	40,000
Punëtorë mirëmbajtjeje; punëtor gjelbërimi; roje magazina industriale; roje Pallati i Kongreseve, lavazhier,	IV	1%	20,000
Punëtor pastrimi, punëtor pastrimi në Kryeministri , punëtor lavanderie; roje/receptionist në Kryeministri	IV	1%	35,000